

宋史新編

宋史新編卷三十九

志二十五

明南京戶部主事莆田柯維騏著

職官四

文散官二十九

開府儀同三司

特進

光祿大夫

金紫光祿大夫

銀青光祿大夫

正奉大夫舊名正議太平興國元年改

中奉大夫

太中大夫

中大夫

中散大夫

朝奉大夫

舊名通議太平興國元年改

朝散大夫

朝請大夫

朝奉郎

舊名通議太平  
興國元年改

承直郎

舊名承議太平  
興國元年改

奉直郎

舊名奉議太平  
興國元年改

通直郎

舊名宣議太平  
興國元年改

朝請郎

宣德郎

朝散郎

宣奉郎

給事郎

承事郎

承奉郎

承務郎

儒林郎

登仕郎

文林郎

將仕郎

武散官三十一

驃騎大將軍

輔國大將軍

鎮國大將軍

冠軍大將軍

懷化大將軍

雲麾將軍

歸德將軍

忠武將軍

壯武將軍

宣威將軍

明威將軍

定遠將軍

寧遠將軍

游騎將軍

游擊將軍

昭武校尉

昭武副尉

振威校尉

振威副尉

致果校尉

致果副尉

翊麾校尉

翊麾副尉

宣節校尉

宣節副尉

禦武校尉

禦武副尉

仁勇校尉

仁勇副尉

陪戎校尉

陪戎副尉

書

凡一品以下常參者謂之朝官祕書郎以下未常參者謂之京官文朝官階上經恩加一階郎階上京朝官加五階選人加一階武散官冠軍大將軍使相節度使起復改授游擊將軍雖中書主事諸

司吏人加授亦無累加法餘不常授

元豐寄祿新格以階易官雜取唐及本朝舊制自開府儀同三司至將仕郎定爲二十四階崇寧初因刑部尚書鄧洵武請換選人七階大觀初又增宣奉正奉中奉奉直等階政和末又改從政修職迪功而寄祿之格備自開府至迪功凡三十七階初元豐階官少故遷轉速又未嘗分別流品中更元祐詳定凡階官俱分左右詞人爲左餘人爲右紹聖斷自朝請大夫以上分左右餘並罷紹興復依元祐之制至淳熙始並去左右字三十七階如故

新官

舊官

開府儀同三司

使相

特進

左右僕射

金紫光祿大夫

吏部尚書

銀青光祿大夫

五曹尚書

光祿大夫

左右丞

宣奉大夫

大觀改左光祿爲宣奉

正奉大夫

大觀改右光祿爲正奉

正議大夫

六曹侍郎

通奉大夫

大觀改右正議爲通奉

通議大夫

給事中

太中大夫

神宗以太中大  
夫爲宰相官

左右諫議大夫

中大夫

祕書監

中奉大夫

大觀改左中  
散爲中奉

中散大夫

光祿卿至少府監

朝議大夫

元祐以五  
十員爲額

太常卿少卿左右司郎中

奉直大夫

大觀改右朝  
議爲奉直

朝請大夫

前行郎中

朝散大夫

中行郎中

朝奉大夫

後行郎中



朝請郎

前行員外郎侍御史

朝散郎

中行員外郎起居舍人

朝奉郎

後行員外郎左右司諫

承議郎

左右正言太常國子博士

奉議郎

太常祕書殿中丞著作郎

通直郎

太子中允贊善大夫洗馬

宣敎郎

元豐本宣德政和避宣德門改

著作佐郎大理寺丞

宣義郎

光祿衛尉寺將作監丞

承事郎

大理寺評事

承奉郎

太祝奉禮郎

承務郎

校書郎正字將作監主簿

承直郎

留守節察判官

儒林郎

節察掌書記支使防團判官

文林郎

留守節察推官軍監判官

從事郎

承直至此四階並崇寧初換

防團推官監判官

從政郎

崇寧通仕政和再換

錄事參軍縣令

脩職郎

崇寧登仕政和再換

知錄事參軍知縣令

迪功郎

崇寧將仕政和再換

軍巡判官司理司法司戶主簿尉

武選舊制內客省至閤門使副為橫班自皇城至供備

庫使為諸司正使其副為諸司副使內殿承制內殿崇

班爲大使臣東頭供奉官至三班借職爲小使臣元豐  
未及更政和二年乃詔易以新名正使爲大夫副使爲  
郎橫行十二階使副亦然六年又增置宣正履正協忠  
諫衛親衛大夫郎凡十階通爲橫班太尉本泰主兵官  
特以爲武階之首自太尉至下班祇應凡五十二階國  
初以來內客省使未嘗除人旣易武階不遷通侍沿初  
意也正待以下郎居大夫上議者以爲非序紹興乃釐  
正以大夫居郎上下班祇應之上增進武校尉進義校  
尉其下增進武副尉進義副尉守闕進義副尉進勇副  
尉守闕進勇副尉

新官

太尉

通侍大夫

正侍大夫

宣正大夫

履正大夫

協忠大夫

中侍大夫

中亮大夫

中衛大夫

舊官

內客省使

延福宮使

景福殿使

客省使

引進使

翊衛大夫

親衛大夫

左武大夫

右武大夫

正侍郎

宣正郎

履正郎

協忠郎

中侍郎

中亮郎

東上閣門使

西上閣門使

客省副使

中衛郎

引進副使

翊衛郎

拱衛郎

左武郎

東上閣門副使

右武郎

西上閣門副使

武功大夫

皇城使

武德大夫

宮苑左右驥驥內藏庫使

武顯大夫

左藏庫東西作坊使

武節大夫

莊宅六宅文思使

武略大夫

內園洛苑如京崇儀使

武經大夫

西京左藏庫使

武義大夫

西京作坊東西染院使

武翼大夫

供備庫使

武功郎

皇城副使

武德郎

宮苑左右驥驥內藏庫副使

武顯郎

左藏庫東西作坊副使

武節郎

莊宅六宅文思副使

武略郎

內園洛苑如京崇儀副使

武經郎

西京左藏庫副使

武義郎

西京作坊東西染院禮賓副使

武翼郎

供備庫副使

敦武郎

內殿承制

脩武郎

內殿崇班

從義郎

東頭供奉官

秉義郎

西頭供奉官

忠訓郎

左侍禁

忠翊郎

右侍禁

成忠郎

左班殿直

保義郎

右班殿直

承節郎

三班奉職



承信郎

三班借職

下班祗應

殿侍

內侍階十有二唐制宦者階官與文臣同宋制別置階官不欲溷也神宗嘗曰祖宗爲此名有深意豈可輕議政和二年遂改焉紹興以後皆仍其制

新官

舊官

供奉官

內東頭供奉官

左侍禁

內西頭供奉官

右侍禁

殿頭

左班殿直

高品

右班殿直

高班

黃門

黃門

祇候侍禁

祇候殿頭

祇候殿直

祇候高品

祇候黃門

祇候高班高品

內品

祇候內品

貼祇候內品仍舊上三名不改

醫官階十有四政和二年更定其後續增曰翰林醫官

翰林醫效翰林醫痊俱從七品翰林醫愈翰林醫證翰林醫

診翰林醫候俱從八品翰林醫學從九品紹興以後皆仍其制

但員額存十之一云

新官

舊官

和安成和成安大夫  
成全大夫

從六品  
正七品

軍器庫使

保和大夫

西綾錦使

保安大夫

權易使

翰林良醫

從七品  
正七品

翰林醫官使

和安成和成安成全郎

軍器庫副使

保和郎

西綾錦副使

保安郎

從七品  
正七品

權易副使

翰林醫正

翰林醫官副使

凡除職事官以寄祿官品爲差高一品已上爲行  
下一品爲守下二品已下爲試品同則否元祐裁  
減冗費職事官帶行者第存虛名至紹聖遂復元  
豐舊制崇寧中吏部授選人差遺亦用資序爲差  
分行守試三等政和中詔選人在京職事官依舊  
制帶行守試外任則否宣和以後官高仍舊職者  
謂之領官卑職高者謂之視故有庶官視從官執  
政執政視宰相凡道官亦視文階云

爵一十二

王

正一品

嗣王

從一品

郡王

從二品

國公

從二品

郡公

正三品

開國公

正三品

開國郡公

正二品

開國縣公

從二品

開國侯

從三品

開國伯

正四品

開國子

正五品

開國男

從五品

凡皇子兄弟封國謂之親王親王之子承嫡者爲  
嗣王宗室近親承襲特旨者封郡王遇恩及宗室  
祖宗後承襲及特旨者封國公餘宗室近親並封  
郡公凡皇屬特封郡公縣公或贈侯者無開國字  
若開國公侯伯子男皆隨食邑二千戶已上封公  
一千戶已上封侯七百戶已上封伯五百戶已上

封子三百戶已上封男嗣王開國郡公縣公後不封若乃太宗賜諸州民高年者真宗賜福建民禽盜者皆爵公士斯又采秦制也

勳一十二

上柱國

正三品

柱國

從三品

上護軍

正三品

護軍

從三品

上輕車都尉

正四品

輕車都尉

從四品

上騎都尉

正五品

騎都尉

從五品

驍騎尉

正六品

飛騎尉

從六品

雲騎尉

正七品

武騎尉

從七品

騎都尉至上柱國兩府并武臣正任已上經恩加兩轉文武朝官加一轉武騎尉已上京官加一轉

朝官雖未至驍騎尉經恩亦加騎都尉政和罷勳  
官淳熙末欲復不果惟安南闍婆三國王始封加  
上柱國南丹州刺史加武騎尉焉

功臣

推忠

佐理

協謀

同德

守正

亮節

翊戴

贊治

崇仁

保運

經邦

右賜中書樞密臣僚

宰相初賜六字餘官  
四字次加並兩字

推忠

保德

翊戴

守正

亮節

同德

佐運

崇仁

協恭

贊治

宣德

純誠

保節

保順

忠亮

竭誠

奉化

效順

順化

右賜皇子皇親文武臣僚外臣

初賜四字  
次加兩字

拱衛

翊衛

衛聖

保順

忠勇

拱極

護聖

奉慶

果毅

肅衛

右賜諸班直將士禁軍

初賜兩字  
次加如一

按功臣號咸平中楊億曾請削罷不果熙寧中神

宗却徽號曰正如卿等功臣何補名實宰臣吳充



及羣臣先後請罷遂不復賜中興後加賜者韓世忠張俊劉光世三人此外惟安南國王而已

檢校官一十九

太師

太尉

太傅

太保

司徒

司空

左僕射

右僕射

吏部尚書

兵部尚書

戶部尚書

刑部尚書

禮部尚書

工部尚書

左散騎常侍

右散騎常侍

太子賓客

國子祭酒

水部員外郎

右皇子初授官加太尉初授樞密使使相及曾任  
宰相樞密使除節度使加太傅初除宣徽節度使  
太保宗室初除使相加尚書左僕射特授并換授  
諸司使已上加工部尚書諸司副使加右散騎常  
侍除通事舍人內殿崇班已上初授加太子賓客  
副率已上并三班及吏職蕃官軍員該恩加國子  
祭酒四廂都指揮使止於司徒諸軍都指揮使忠  
佐馬步都軍頭止於司空軍班都虞候忠佐副都  
軍頭已上止於左右僕射諸軍指揮使止於吏部  
尚書其官止遇恩則或加階爵功臣元豐改官制

武臣承宣使以下皆罷惟存檢校三公三師政和  
後改三公之名以太尉冠武階武臣累加至檢校  
少師則拜太尉文臣累加檢校少師則拜開府儀  
同三司安南國王初襲封加檢校太尉經恩遷檢  
校太師外蕃刺史州則檢校太子賓客此外皆不  
帶云

### 憲官四

御史大夫

侍御史

殿中侍御史

監察御史

右通事舍人內殿崇班已上初除加兼御史大夫

宗室副率已上初授軍頭等經恩加兼監察御史  
餘經恩以次遷入此武臣檢校兼官也

試秩六

大理司直

大理評事

祕書省校書郎

正字

寺監主簿

助教

右幕職初授則試祕書省校書郎再任至兩使推  
官則試大理評事掌書記支使防禦團練判官則  
試大理司直評事又加則兼監察御史亦有解褐  
試大理評事校書郎正字寺監主簿助教者亦有  
試官帶檢校員外郎已上者

賜六

劔履上殿

詔書不名

贊拜不名

八朝不趨

紫金魚袋

緋魚袋

右升朝官該恩著綠二十周年賜緋魚袋著緋及

二十周年賜紫金魚袋

特旨著係臨時指揮

食邑

一萬戶

八千戶

七千戶

六千戶

五千戶

四千戶

三千戶

二千戶

一千戶

七百戶

五百戶

四百戶

三百戶

二百戶

右宰相親王樞密使經恩加一千戶兩府使相節  
度使七百戶宣徽三司使觀文殿大學士以下至  
直學士文臣侍郎武臣觀察使宗室正任以上皇  
子上將軍駙馬都尉加五百戶宗室大將軍已上  
加四百戶知制誥待制并文臣少卿監武臣諸司  
副使宗室副率以上并承制崇班軍員等初該恩  
加三百戶承制崇班軍員再該恩二百戶三千戶  
以上雖有加例緣無定法親王重臣特加有至萬  
戶者

食實封

一千戶

八百戶

五百戶

四百戶

三百戶

二百戶

一百戶

右宰臣親王樞密使經恩加四百戶兩府使相節  
度宣徽使皇子上將軍并宗室駙馬都尉任觀察  
使已上加三百戶觀文殿學士并宗室正任已上  
騎都尉加二百戶武臣崇班宗室副率已上加一  
百戶五百戶已上雖有加例緣無定法親王重臣  
有特加至數千戶者

### 兼使職

凡皇帝親行大祀有大禮使禮儀使儀仗使鹵簿使

橋道使頓遞使經始大禮有經度制置使巡幸有御  
營使行宮使有都部署都監京師居留有大內都部  
署皇城都點檢巡檢及增新舊巡檢大閱亦置征行有招  
安使捉賊使排陣使先鋒使策應使有都部署鈐親征  
則冠以駕前之號加禮外國有國信接伴送伴使有  
翻譯經潤文使伸冤濫有理檢使課農桑有勸農使  
又有修宮使山陵使已上使名以文武大臣或侍從  
禁衛兼領事畢卽停餘不能悉紀

## 封贈

封爵有九等爲名十有二語見前內命婦之品有五



曰貴妃淑妃德妃賢妃曰大儀貴儀淑儀淑容順儀  
順容婉儀婉容昭儀昭容昭媛脩儀脩容脩媛充儀  
充容充媛曰婕妤曰美人曰才人貴人內外命婦之  
號十有四曰大長公主曰長公主曰公主曰郡主曰  
縣主曰國夫人曰郡夫人曰淑人曰碩人曰令人曰  
恭人曰宜人曰安人曰孺人皆司封掌其事封贈之  
制太皇太后皇太后皇后及諸妃三代婕妤二代貴  
人一代三公宰臣執政節度使三代金紫銀青光祿  
大夫二代餘官一代建隆中詔詳定文武臣僚母妻  
封號太皇太后皇太后皇后曾祖母祖母母並封國

太夫人諸父曾祖母祖母母竝封郡太夫人婕妤祖母母竝封郡太君貴人母封縣太君三公三師宰相使相王侍中中書令曾祖母祖母母竝封國太夫人妻國夫人樞密使副知院同知參知政事宣徽節度使曾祖母祖母母竝封郡太夫人妻郡夫人簽書樞密院事曾祖母祖母母竝封郡太君妻郡君同知樞密院以上至樞密使參知政事再經恩及再除者如宰相例三司使祖母母竝封郡太君妻郡君東宮三太下至文武二品母封郡太夫人妻郡夫人其次母封郡太君妻郡君又其次母封縣太君妻縣君致仕

同見任亡母及亡祖母當封者亦如之父亡無嫡母

繼母者聽封所生母伎術官不得敘封咸平四年從

舍人院詳定羣臣母妻所封郡縣依本姓望封元祐

二年詔所生母未封不得先及其妻政和二年詔封

母則隨所封五等應婦人不因夫子得封號謂命官

而母年九十以上或士庶人婦或因子孫得封贈其

夫至升朝或非升朝應封贈者並孺人按宋制凡追

封不得至王爵若皇后之祖父及文武臣僚功隆位

極係出特恩又舊制無有推恩伯叔父母若本生父

母者王曾爲參知政事自言幼孤叔父太子中舍宗

元叔母嚴氏撫育之詔贈宗元工部員外郎嚴氏懷  
縣太君歐陽修少孤叔父教之學旣貴乞一官回贈  
以報其德乃自員外郎贈郎中李昉本生父超母謝  
及再相因郊祀乞覃恩太宗許之贈超太子太師謝  
氏鄭國太夫人皆曠典也

### 宮觀

宋設祠祿之官以佚老優賢有內外之別內則醴泉觀  
集禧觀佑神觀萬壽觀中太一宮之類是也以前宰相  
見任使相充使次充提舉餘則爲提點爲主管皆隨官  
之高下處之外祠選人則爲監嶽廟非白陳而朝廷特

除者如降黜例其初員數絕少熙寧乃增置時方經理  
時政患疲老不任事者欲悉罷之乃使任宮觀食其祿  
王安石亦欲以此處異議者遂詔宮觀母限員以三十  
月爲任又詔杭州洞霄宮亳州明道宮華州雲臺觀建  
州武夷觀台州崇道觀成都玉局觀建昌軍仙都觀江  
州太平觀洪州玉隆觀五嶽廟竝依嵩山崇福宮舒州  
靈仙觀置管幹或提舉提點官後又詔宮觀嶽廟留官  
一員餘聽如分司致仕例從便居住後又詔年六十以  
上者乃聽差母過兩任兼用執政恩例者通不得過三  
任後蔡京增廣職任崇寧添宮觀十政和添宮觀三十

至選人亦許陳乞宣和王黼用事以熙寧法革之紹興  
以來士大夫多流離困厄之餘未有關以處之於是許  
以承務郎以上權差宮觀一次續又有選人在部無關  
與破格嶽廟者亦有以宰執恩例陳乞而與之者月破  
供給理爲資任初意將以撫安不調之人未乃重僥求  
泛與之弊臣僚因奏罷供給以絕干請變理任以抑僥  
倖嚴破格以去泛濫從之又郡守年及七十耄昏不堪  
收養不肯自陳宮觀者復申明舊法著爲定令乾道初  
復詔行之

致仕

凡文武朝官內職引年辭疾者多增秩從其請或加恩  
其子孫太祖乾德元年詔自今一品致仕官曾帶平章  
事者每遇朝會宜綴中書門下班二年詔藩鎮帶平章  
求休致者亦如之太宗淳化元年詔致仕官給半俸貞  
宗祥符加恩賜全俸仁宗明道元年詔員外郎以上致  
仕者錄其子校書郎三丞以上太廟齋郎二年又詔三  
丞以上致仕無子者聽官其嫡孫若弟姪一人降一等  
景祐三年詔給俸如分司官長吏歲時勞賜語在本紀  
是時侍御史知雜事司馬池言文武官年七十以上不  
自請致仕者許御史臺糾劾以聞其後監察御史曹修

古亦請敕年及七十者上書自陳特優恩禮如自觀文  
事遂著爲令皇祐中知諫院包拯吳奎亦請令御史臺  
檢察年七十已上移文趣其請老不卽自陳者直除致  
仕朝廷未行奎復極言從之是時言事之人競欲擊劾  
大臣有高年者俱不自安仁宗手詔曰老臣朕之所眷  
禮也進退體貌恩意豈不有異哉凡嘗預政事之臣自  
今毋或遽求引去臺諫官勿以爲言其優禮大臣又如  
此熙寧四年以端明殿學士尚書右丞王素爲工部尚  
書端明殿學士致仕觀文殿學士兵部尚書歐陽修爲  
太子少師觀文殿學士致仕帶職致仕自素始也初神



宗卽位舉行舊制詔內外官年七十以上直除致仕者更不與子孫推恩後孝宗亦詔年七十不請致仕者遇郊母得蔭補自是以後執政在謫籍者陳乞致仕雖許敘復悉寢罷恩澤云

奉祿

文武官奉錢使相節度使月四百千宰相樞密使三百千差至一千又有祿粟使相月二百石節度使二百五十石宰相樞密使一百石差至一石又有從人節度使至正任刺史曰元隨宰執三公三少太尉曰隨身其餘曰僚人元隨隨身給衣糧僚人給餐錢使相節度使百

人宰相樞密使七十人差至一人此外又給春冬衣各有差按前代官奉或全給實錢或半給或於半給三分之一給他物宋初約後唐所定半給實錢乾德四年依漢乾祐置州縣官奉戶開寶五年罷大中祥符五年文武官並增奉乾興以後更革爲多至嘉祐始著祿令元豐新官制職事官職錢以寄祿官高下分行守試三等御史大夫六曹尚書行六十千守五十五千試五十千下至律學正行十六千守十五千試十四千大率官以祿令爲準而在京官司供給之數皆併爲職錢如大夫爲郎官旣請大夫奉又給郎官職錢視嘉祐爲優矣至

崇寧間蔡京秉政於奉錢職錢外復增供給食料等錢如京僕射奉外又請司空奉僉從錢米竝支本色餘執政皆然視元豐又倍優矣南渡以後參用嘉祐元豐政和之制少所增損惟兵興之始宰執請受權支三分之一或三分之二或支賜其半隆興開禧自陳損半支給皆權宜也其後內外官有添支料錢職事官有職錢廚食錢職纂修者有折食錢在京釐務官有添支錢添支米選人使臣職田不及者有茶湯錢其餘祿粟僉人悉如舊制

唐以前有職田卽周圭田遺意也五代以來遂廢咸平  
中申定其制只給外官其田以官莊及遠年逃亡田充  
悉免租稅天聖中仁宗患職田有無不均吏或多取以  
病民詔罷天下職田悉以歲入租課送官具數上三司  
計直而均給之朝廷方議措置未下仁宗閱具獄見吏  
以賄敗者多惻然傷之詔復給職田至慶曆中詔限職  
田有司始申定其數有差自此人定制士有定限吏  
以職田抵罪者視昔爲庶幾焉至熙寧間復詔詳定凡  
知大藩府二十頃節領十五頃餘州軍並十頃小軍監  
七頃其縣令府僚諸幕職丞簿縣教授監當等官六頃

五頃四頃三頃二頃有差元符三年朝散郎杜子民奏  
職田之法每患不均神宗首變兩川之法均給上下一  
路便之元祐中推廣此意以限月之法變而均給士大  
夫貪冒者或窮日之力以赴期會或交書請屬以俸錢  
攝奔競之風長廉恥之節喪乞復元豐均給之法以養  
士廉節從之

宋史新編卷四十

志二十六

明南京戶部主事莆田柯維騏著

食貨一

殖於農謂之食通於工商謂之貨茲二物者洪範八政  
先之非以斯人生生之所厚不可闕哉夫數口之家終  
歲作力逐時歷苦辛竭知能猶慮奉生送死或不能贍  
而縣官費無巨細一切取辦亦何以堪爲民父母不務  
導布其利惟厭私是圖可乎昔者明王因地之宜通時  
之變其斂之也藝其用之也節是故閭閻給足而貢輸  
川湊山積歲會有羨羸蘇軾所謂萬世之計是也彼不

勝侈心輒易典常者其弊至於公私俱困傾覆隨之淵  
涸而魚絕國匱而衆離勢固然矣宋自藝祖以降皆仁  
厚恭儉劭農恤民往往著在令甲如祥符之禱祠康定  
慶曆之邊費雖帑庾鮮儲而杼軸未罄何則上有守文  
之君下無聚斂之臣也及王安石任呂惠卿曾布行新  
法章惇蔡京相繼主紹述王黼李昉競掊克以充應奉  
天下騷然釀成大難南渡後女真猶橫蒙古嗣興秦檜  
賈似道束手無策方且行加賦創限田是重斂民怨爲  
敵國資也傳戒小人不可使爲國家豈不諒哉舊史列  
食貨之目二十有二茲詳述之庶趙氏興亡之故可得

而稽云

農田之制五代兵亂條章多闕周世宗始遣使均括諸州民田太祖循用其法建隆以來命官分詣諸道均田苛暴失實者輒譴黜又詔所在長吏諭民有能廣植桑棗墾闢荒田者止輸舊租太宗太平興國中兩京諸路許民共推練土地之宜明樹藝之法者一人縣補爲農師民有飲博怠惰者農師謹察之後以煩擾罷景德二年命權三司使丁謂取戶稅條敕及臣民所陳田農利害與張若谷王曾等參詳刪定成景德農田敕五卷天禧四年以提點刑獄爲勸農使親民官以勸農之績爲



殿最黜陟仁宗初立行限田旣而三司言限田一州而  
卜葬者牽於陰陽之說至不敢舉事又聽數外置墓田  
五頃而任事者終以限田不便未幾卽廢時又禁近臣  
置別業京師及寺觀毋得市田景祐初患百姓多去農  
爲兵詔大臣條上兵農得失議更其法慶曆三年以范  
仲淹言命輔臣賈昌朝領農田未及施爲而仲淹罷事  
遂止帝敦本務農屢詔勸劭觀稼於郊歲一再出又躬  
耕籍田以先天下皇祐中於苑中作寶岐殿每歲召輔  
臣觀刈穀麥自是罕復出郊帝聞天下廢田尚多民稀  
土著或棄田流徙爲閒民每下赦令招輯流亡募人耕

墾父之生齒益蕃闢田益廣神宗熙寧二年分遣諸路  
常平官使專領農田水利司農寺請立法先行之開墾  
視可行頒於天下民種桑柘毋得增賦安肅廣信順安  
軍保州令民卽其地植桑榆或所宜木因可限閔戎馬  
其興修水利田起熙寧三年至九年府界及諸路凡一  
萬七百九十二處爲田三十六萬一千一百七十八頃  
有奇哲宗卽位楚丘民胡昌等言栽桑之令不便詔罷  
之且蠲所負罰金興平縣抑民田爲牧地民亦自言詔  
悉還之宣和五年詔江東兩浙根括到逃田六百頃召  
人出租專充今年增屯戍兵衣糧建炎用兵所在多逃

絕田紹興中屢詔貸民牛具立守令墾田殿最格自是  
墾荒田至七萬畝左司員外郎李椿年言經界不正十  
害稱旨秦檜亦言其說簡易可行以椿年爲兩浙路轉  
運副使措置經界沮經界者俱停竄其後又詔敕令所  
剛定官鄭克行四川經界法克頗峻青州縣所謂省莊  
田者雖蔬果桑柘有征而印蜀民田至什稅伍民訴不  
均椿年坐罷二十年詔兩淮沃壤宜穀置力田科募民  
就耕以廣官莊知資州楊師錫言有司奉行失當田畝  
不分腴瘠市居丈尺隙田亦充稅產於是降詔害民者  
與追正孝宗乾道六年二月詔均役法嚴限田抑游手

務農桑九年王之奇奏增定刀田賞格募人墾荒田給  
官告綾紙以備書填及官會十萬緡充農具等用以種  
糧不足又詔淮東總領所借給稻三萬石前後屢用議  
臣言詔墾荒田者勿增賦臣僚請行閩中經界知漳州  
朱熹奏言經界爲民間莫大之利紹興已推行處公私  
兩利獨泉州漳汀未行臣不敢先一身之勞逸而後一州  
之利病切獨任其必可行也輔臣請行于漳州明年春  
詔漕臣陳公亮同熹協力奉行而貴家豪右侵漁貧弱  
者胥爲異論搖之前詔遂格熹請祠去嘉定六年侍講  
謝方叔言豪強兼并之患至今日而極非限民名田不

可是亦救世道之微權也從之十一年信常饒州嘉興府行經界淳祐末以信州盜起諸郡經界遂罷咸淳元年監察御史趙順孫疏言經界曰今之所謂推排非昔之所謂自實也推排者委之鄉都徑捷而易行自實者責之人戶散漫而難集嘉定以來經界時至近也官有正籍鄉都有副籍彪列阡分莫不具在爲鄉都者不過按成牘而更業主之姓名若夫紹興經界時則遠矣其法亦莫如鄉都之便也朱熹所以主經界而闢自實者正謂是也州縣能守朝廷鄉都任責之令又隨諸州便宜爲之區處當必人情悉率不令而行矣詔可按商渡

後水田之利富於中原故水利大興而諸籍沒官田募  
民耕者皆仍私租舊額每失之重輸納之際公私事例  
迥殊私租額重而納輕承佃猶可公租額重而納重則  
佃不堪命州縣胥吏與倉庫百執事之人皆得爲侵漁  
季世金人乍和乍戰戰則軍需浩繁和則歲幣重大國  
用常苦不繼於是因民苦官租之重命有司括賣官田  
以給用其初弛其力役以誘之其終不免於抑配此官  
田之弊也嘉定以後又有所謂安邊所田乃籍沒權倖  
者而圍田湖田之在官者皆隸焉田收其租以助歲幣  
至景定中又買民戶踰限之田謂之公田乃殿中侍御

史陳堯道等建議以省和糴丞相賈似道力主之異議者皆被斥有司催督至以肉刑從事天下嗟怨彗見求言凡言買田者皆被斥德祐元年三月乃詔公田給經召禍十有餘年自今竝給佃主令率其租戶爲兵而國亡矣

方田熙寧五年神宗患田賦不均重修定方田法以東西南北各千步當四十一頃六十六畝一百六十步爲一方歲以九月縣委令佐分地計量隨陂原平澤而定其地因赤淤黑墟而辨其色參定肥瘠而分五等以定稅則至明年三月畢揭以示民一季無訟卽書戶帳連

莊帳付之以爲地符均稅之法縣各以其租額稅數爲限若瘠鹵不毛及衆所食利山林陂塘溝路墳墓皆不立稅凡田方之角立土爲峰植其畔之所宜木以封表之有方帳有莊帳有甲帖有戶帖其分煙析產典賣割移官給契縣置簿皆以今所方之田爲正令旣具先自京東路行之諸路倣焉六年詔土色分五等疑未盡下郡縣物其土宜多爲等勿拘以五元豐八年帝知官吏擾民詔罷之天下之田已方而見於籍者二百四十三萬四千三百四十有九頃云崇寧三年宰臣蔡京等言神宗講究方田利害方爲之帳而步畝高下丈尺不可



隱戶給之帖而升合尺寸無所遺以賣買則民不能容其巧以催收則吏不能措其姦請詔諸路推行從之五年詔罷方田大觀二年復詔行之四年罷

賦稅自唐建中變租庸調法作兩稅夏輸母過六月秋輸母過十一月遣使分道按率其弊也先期而苛斂增額而繁征至五代極矣宋制歲賦有五曰公田之賦田在官賦民耕而收其租也曰民田之賦百姓私田而取其稅也曰城郭之賦宅稅地稅之類也曰丁口之賦百姓輸身丁錢米也曰雜變之賦牛革蠶鹽之類隨其所出變而輸之也歲賦之物有四曰穀曰帛曰金鐵曰

物產其輸有常處而以有餘補不足則移此輸彼移近輸遠謂之支移其入有常物而一時所輸則變而取之使其直輕重相當謂之折變其輸之遲速視收成早暮而寬爲之期所以紓民力也大抵宋祖開國加意恤民累朝相承悉刻無名苛細之斂尺縑斗粟靡有增益一遇水旱徭役則蠲除倚閣無虛歲而又田制不立墾畝轉易丁口隱漏兼并冒僞未嘗考校故賦入之利視前代爲薄丁謂嘗言二十而稅一者有之三十而稅一者有之至仁宗時增契丹西夏歲幣合七十五萬惟是減掖庭宗室奉錢及近臣郊祀賜賚以助費而已自熙寧

開邊國用頗繁元豐四年六路大舉西討其費彌甚神宗慮科役擾民又以糧餉靡惡欲械斬河東涇原漕臣以勵其餘卒鮮克辦給又李穰爲鄜延轉運詔許斬知州以下之軍興者民苦摺運多散走所殺至數千人道斃者不在焉哲宗末年章惇用事連歲興師及進築鄜涇等州費資糧不可勝計蔡京復勸徽宗招納青唐用王厚經置費錢億萬用大兵凡再始克之而涇州戍兵歲費錢一千二十四萬九千餘緡最後有燕山之役雄霸等州倉廩皆竭兵士饑忿有擲瓦石擊守貳刃將官者郭藥師所將常勝一軍計口給錢廩月費六三十萬

石錢一百萬緡河北之民力不能給於是免夫之議興  
初黃河歲調夫修築埽岸其不卽役者輸免夫錢熙豐  
間淮南科黃河夫錢人十千殷戶有及六十夫者劉誼  
蓋嘗論之及元祐中呂大防主回河之議力役旣大因  
配夫出錢大觀中修滑州魚池埽始盡令輸錢帝謂事  
易集而民不煩詔著爲令及是王黼建議乃下詔曰大  
兵之後非假諸路民力安克有濟諭民國事所當盡力  
天下並輸免夫錢夫二十千淮浙江湖嶺蜀夫三十千  
凡得一千七百餘萬緡又東南歲運花石綱一石之費  
民間至用三十萬緡姦吏旁午牟取無藝民不勝其困

中官楊戩主後苑作又請以汝州地爲稻田置務掌之號稻田務復行於府畿易名公田南暨襄唐西及澠池北踰大河民田有溢於初券步畝者輒便輸公田錢其後又置營繕所亦爲公田久之後苑營繕所公田皆併於西城所盡山東河朔天荒逃田與河堤退灘租稅舉入焉皆內侍主其事所括爲田三萬四千三百餘頃民輸公田錢外正稅不復能輸宣和初浙西逃田天荒草田葑茭蕩湖濼退灘等地皆計籍召佃立租以供應奉置局命官有措置水利農田之名部使者且自督御前租課自是言者論西蜀折科之弊又論非法折變展轉

增加民無所訴欽宗立詔蠲焉舊稅租加耗轉運司有  
他椿明耗州縣有暗椿暗耗之名諸倉場受納又令民  
輸頭子錢熙寧以後給納並收其數益增至是悉罷高  
宗建炎元年詔二稅並依舊法紹興元年八月減大觀  
稅額三分之一十三年淮東宣撫使韓世忠請以賜田  
及私產自昔未輸之稅併歸之官詔獎諭而可之初統  
制張俊乞蠲所置產凡和買科敷特從其請後三省言  
其興費廣不可使諸將援例遂止越數年俊復乞免歲  
輸和買絹三省擬歲賜俊絹五千疋庶免起例上以示  
俊曰恐公議不可俊惶悚力辭賜絹荆南戶口十萬寇

亂以來幾無人跡議者希朝廷意謂流民已復可使歲輸十二頻歲復增積逋至二十餘萬緡曹洙爲戶部侍郎責償甚急蓋自檜再相密諭諸路暗增民稅七八故民力重困餓死者衆皆檜之爲也孝宗卽位戒州縣官更多收加耗爲民蠹者置重典沒其家隆興二年四月知贛州趙公稱以寬剩錢十萬緡爲民代輸夏稅是後守臣時有代輸者紹熙元年臣僚言古者賦租出於民之所有不强其所無今之爲絹者一倍折而爲錢再倍折而爲銀銀愈貴錢愈難得穀愈不可售使民賤糶而貴折則大熟之歲反爲民害願詔州郡凡多取而多折

者重置于罰民有糴不售者令常平就糴異時歲歉平價以糴庶於民無傷於國有補從之祕書監楊萬里奏民輸粟於官謂之苗舊以一斛輸一斛今以二斛輸一斛矣輸帛於官謂之稅舊以正絹爲稅絹今正絹外有和買矣舊和買官給其直或以錢或以鹽今皆無之又以絹估直而倍折其錢矣舊稅畝一錢輸免役一錢今歲增其額不知所止矣旣一倍其粟數倍其帛又數倍其錢而又有月椿錢版帳錢不知幾倍於祖宗之舊又幾倍於漢唐之制乎此猶東南之賦可知也至於蜀賦之額外無名者不可得而知也陛下欲薄賦斂當節用



度而後民可富邦可寧嘉熙二年臣僚請寬恤之詔依漢法減明年田租則吏難爲欺民拜實賜從之淳祐八年監察御史兼崇政殿說書陳求魯奏今之兩稅本大曆弊法帝賦之入尚爲病况預借乎操縱出於權宜官吏得以簸弄因陳救弊四策初建炎三年趙開爲隨軍轉運使總領四川財賦凡諸色常賦外歲增錢二千六十八萬緡而茶不預焉自是軍儲稍充而蜀民始困後開爲四川都轉運使益頗侵用軍期錢又數增錢引而軍計猶不給自余入犯陝蜀開職饋餉者十年軍用無乏一時賴之其後計臣屢易於開經畫無變更然茶鹽

權酷奇零絹布之征自是爲蜀之常賦雖屢經蠲減而害不去議者各開作備云

布帛宋承前代之制調絹紬布絲綿以供軍須又就所產折科和市其纖麗之物則在京等處有綾錦等院主織錦綺有鹿胎透背等名以供服用及歲時賜與周顯德中令公私織造並須幅廣二尺五分疎薄短狹塗粉入藥者禁之宋因其舊太平興國中馬元方爲三司判官建言方春乏絕時預給庫錢貸民至夏秋令輸絹於官大中祥符三年河北轉運使李士衡又言民間罕有緡錢常預假於豪民出倍稱之息至期則輸賦之外先

償逋欠以是工機之利愈薄請預給帛錢俾及時輸送  
則民獲利而官亦足用詔優予其直自是諸路亦如之  
或蠶事不登許以大小麥折納仍免倉耗及頭子錢天  
聖明道中累詔減兩蜀歲輸錦綺自西邊用兵軍須紬  
絹多出益梓利三路歲增所輸之數兵罷其費稍省嘉  
祐三年始詔寬三路所輸數神宗卽位京東轉運司請  
以錢給貸於民令次年輸絹隨夏稅初限督之詔運其  
錢于河北聽商人入中熙寧三年御史程顥言京東和  
買紬絹增數抑配率下錢課絹一疋後和買并稅絹疋  
皆輸錢千五百時王安石右轉運使王廣淵顥言卒不

行八年韓琦奏倚閣預買紬絹等雖稍豐稔猶當五七歲幣輸安石以爲不然言於神宗曰預買紬絹祖宗以來未嘗倚閣往歲李稷有請因從之近方鎮監司爭以寬恤爲事不計有無異日國用闕當復刻剝於民爾元符元年尚書省言民多願請預買錢宜視歲例增給來歲市紬絹計綱赴京左司員外郎陳瓘言預買之息重於常平數倍人皆以爲苦何謂願請今復剋增雖名濟乏實聚斂之術提點京東刑獄程堂亦言之乃止初預買紬絹務優直以利民然猶未免煩民後或令民折輸錢或物重而價輕民力寢困其終也官不給直而賦取

益甚矣宣和七年詔令轉運司各會一路之數分下州縣經畫然有司鮮能承順焉建炎三年春高宗初至杭州兩浙轉運副使王琮言本路上供和買夏稅紬絹歲爲疋一百一十七萬七千八百每疋折輸錢二千以助用詔許之東南折帛錢自此始紹興二年以諸路上供絲帛並半折錢如兩浙例江淮閩廣荆湖折帛錢自此始四年冬初令江浙民戶悉輸折帛錢當是時行都月費錢百餘萬緡重以增戍之費令民輸紬者全折輸絹者半折疋五千二百疋自折帛錢由此愈重淳熙十一年臣僚言兩浙江東西四路和買不均之弊送戶部給舍

等官詳議鄭內丘審議畝頭均科之說至公至平詔  
行之十六年知紹興府王希呂言均敷和買曩者亟於  
集事不暇覈實一切以爲詭戶而科之於是物力自百  
之以上皆不免於和買貧民始不勝其弊紹熙元年知  
紹興府洪邁奏定其法民頗便之

和糴宋歲漕以廣軍儲實京邑河北河東陝西三路及  
內郡又自糴買以息邊民飛輓之勞亦前代和糴法也  
建隆初河北連歲大稔命使置場增價市糴自是率以  
爲常真宗仁宗屢出內藏錢貨助糴中等戶以下免之  
又許商人入中芻粟受要券易茶鹽舊制陝西糴穀歲

預給青苗錢至天聖中罷不復給薛向嘗言河北糴法之弊其贏皆入賈販家於是置便糴司大抵入中利厚而商賈過之罷三路入中悉以見錢和糴縣官之費省熙寧五年詔以銀絹各二十萬賜河東經略安撫司聽人賒買收本息封樁備邊三路封樁所給甚廣或取之三司或取之市易務或取之他路轉運司或賜常平錢或鬻爵給度牒出內藏錢帛不與焉自熙寧以來和糴入中之外又有坐倉博糴結糴俵糴兌糴寄糴括糴勸糴均糴等名其曰坐倉熙寧二年令諸軍餘糧願糴入官者計價支錢復儲其米於倉王珪奏曰外郡用錢四

十可致斗米於京師今京師乏錢反用百錢糴斗米此  
極非計司馬光之議亦同呂惠卿曰坐倉得米百萬石  
則減東南歲漕百萬石轉易爲錢以供京師何患無錢  
光復論之不從其曰博糴熙寧七年詔河北轉運提舉  
司置場以常平及省倉歲用餘糧減直聽民以絲綿絹  
帛增價博買俟秋成博糴崇寧五年又詔陝西錢重物  
輕委轉運司措置以銀絹博糴斛斗以平物價其曰結  
糴熙寧八年劉佐體量川茶因便結糴熙河路軍儲得  
七萬餘石詔運給焉未幾商人王震言結糴多散官或  
浮浪之人有經年方輸者詔窮治總管王君萬負熙河



兩川結糴錢十四萬六百三十餘緡銀三百餘兩與高  
遵裕並坐違法降黜崇寧初蔡京行於陝西盡括民財  
以充數五年以星變講修缺政罷陝西河東結糴對糴  
其曰俵糴熙寧八年令中書計運米百萬石費約三十  
七萬緡帝怪其多王安石因言俵糴非特省六十七萬  
緡歲漕之費且河北入中之價權之在我遇斗斛貴任  
糴卽百姓米無所糴自然損價非惟實邊亦免傷農乃  
詔歲以末鹽錢鈔在京粳米六十萬貫石付都提舉市  
易司貿易度民山入多寡豫給錢物秋成於澶州北京  
及緣邊糴粟麥封椿卽物價踴權止入中聽便糴司兌

用須歲豐補償紹聖三年用呂大中言召農民相保豫貸官錢其半循稅限催科餘錢至夏秋用時價隨所諭貼納崇寧中蔡京令坊郭鄉村以等第給錢俟收以時價入粟邊郡弓箭手青唐蕃部皆然用俵多寡爲官吏賞罰其曰兌糴熙寧九年詔淮南常平司於麥熟州郡及時兌糴元祐二年嘗以歲豐麥賤下諸路廣糴詔後價若與本相當卽許變轉兌糴其曰寄糴元豐二年糴便糴草王子淵言商人入中歲少不登必邀厚價故設內郡寄糴之法以權輕重其曰括糴元符元年涇原經略使章棻請竝邊糴買務榜諭民間毋得與公家爭糴

卽官儲有乏括索贏糧之家量存其所用盡糴入官其  
曰勸糴均糴政和元年童貫撫陝西奏行之以人戶  
家業田土頃畝均敷上等則所均斗斛數多下等數少  
鄜延經略使錢卽言勸糴非可以久行均糴先入其斛  
斗乃給其直於有斛斗之家未有害也坊郭之人素無  
斛斗必須外糴轉有煩費疏奏坐貶時又詔河北河東  
倣陝西均糴知定州王漢之坐沮格奪職罷未幾遂立  
均糴法言者謂均糴法嚴或已糴而不償其直或不度  
州縣之力敷數過多有一戶而糴數百石者乃詔諸路  
毋輒均糴旣而州縣以和糴爲名低裁其價漕司程督

愈峻科率倍於均糴詔約止之宣和三年方臘平兩浙亦量官戶輕重均輸明年荆湖南北亦行均糴法其後勸糴寢及於新邊鄆郿州積石軍蕃部患之南渡三邊饋餉糴事所不容已紹興間於江浙湖南博糴多者給官告少者給度牒或以鈔引類多不售而吏緣爲姦人情大擾乃減其價以誘積粟之家初不拘於官編之戶凡降金銀錢帛而州縣沮節不卽還者重譴之七年以饒州之糴石取耗四斗罪其郡守自是和糴者計剩科罪十三年荆湖歲稔米斗六七錢乃就糴以寬江浙之民十八年免和糴命三總領所置場糴之乾道三年秋

江浙淮閩滬雨詔州縣以本錢坐倉收糴毋強配於民  
淳熙中蜀民苦科糴廷臣以爲言詔制置使與總領相  
度李繁奏宜變科糴爲官糴貴賤視時不使虧毫髮之  
價出納視量勿務取圭撮之贏則軍不乏興民不加賦  
乃條利民十一事上之前後凡十三疏卒如其議民旣  
樂與官爲市遠近驩趨而田里免科糴始知有生之樂  
特和歲豐父老以爲三十年所無也事聞孝宗大喜寶  
慶二年監察御史汪剛中言和糴之弊其來非一日欲  
得其要而革之非禁科抑不可禁科抑莫如增米價此  
已試而有驗者詔行之紹定五年臣僚言若將民間合

輸緡錢使輸斛斗免令賤糶輸錢在農人亦甚有利此  
廣糴之良法也亦詔行之

漕運宋都大梁有四河以通漕運曰汴河曰黃河曰惠  
民河曰廣濟河而汴河所漕爲多太祖蓄兵京師故於  
兵食爲重建隆以來首浚三河令自今諸州歲受稅租  
及筦榷貨利上供物帛悉官給舟車輸京師毋役民妨  
農太平興國六年立爲定制四河歲運凡五百五十萬  
石至道初汴河運米五百八十萬石大中祥符初至七  
百萬石諸河漕數歲久益增景德四年定汴河歲額六  
百萬石天聖慶曆中諸河減數十萬石後黃河歲漕益

減耗纔運菽三十萬石歲辦漕船市材木役衙前勞費甚廣嘉祐四年罷所運菽減漕船三百艘自是歲漕三河而已治平二年漕粟至京師汴河五百七十五萬五千石惠民河二十六萬七千石廣濟河七十四萬石又漕金帛緡錢入左藏內藏庫者總其數一千一百七十三萬而諸路轉移相給者不預焉是時漕運吏卒共爲侵盜甚則託風水沉沒以滅迹歲陷折二十萬斛熙寧二年薛向爲江淮等路發運使募客舟與官舟分運互相檢察舊弊乃去元豐五年發運副使蔣之奇都水監丞陳祐甫開龜山運河漕運往來免風濤百年沉溺之

愚詔各遷官有差河北河東陝西三路租稅不足以供  
兵費屯兵營田歲入無幾糴買入中之外歲出內藏庫  
金帛及上京權貨務緡錢皆不啻數百萬河北船運至  
乾寧軍河東陝西船運至河陽措置陸運或用鋪兵廂  
軍或發義勇保甲或差雇夫力車載馱行隨道路所宜  
河北地里差近西路回遠又涉磧險運致甚艱非京師  
比也舊制歲漕六百萬石給京師外諸倉常有餘蓄州  
郡告歉則折收上價謂之額斛計本州歲額以倉儲代  
輸京師謂之代發復於豐熟以中價收糴穀賤則官糴  
不至傷農饑歉則納錢民以爲便本錢歲增兵食有餘



自崇寧以來其法始變蔡京爲相求羨財以供侈用費所親胡師文爲發運使以糴本數百萬緡充貢入爲戶部侍郎來者效尤時有進獻而本錢竭矣本錢竭則不能增糴而儲積空矣儲積空則無可代發而轉般之法壞矣戶部尚書曾孝廣言欲將六路上供斛斗並依東南雜運直至京師或南京府界卸納庶免侵盜乞貸之弊自是六路郡縣各認歲額雖湖南北至遠處亦直抵京師號直達綱豐不加糴歛不代發方綱米之來立法峻甚船有損壞所至修整不得踰時公私橫費百出又鹽法已壞迴舟無所得舟人逃散船亦隨壞本法盡廢

太觀三年復行轉般政和二年復行直達綱毀折轉般  
諸倉譚稹上言祖宗建立直楚泗州轉般倉一以備中  
都緩急二以防漕渠沮節三則綱船裝發資次運行更  
無虛日自其法廢河道日益淺濫遂致中都糧儲不繼  
淮南三轉般倉不可不復其後向子諲蕭序辰亦嘗言  
之於是復行轉般靖康元年令東南六路上供額斛除  
淮南兩浙依舊直達外江湖四路竝措置轉般建炎三  
年詔諸路綱運見錢并糧輸建康府戶部其金銀絹帛  
輸行在紹興初以兩浙之粟供行在以江東之粟餉淮  
東以江西之粟餉淮西以荆湖之粟餉鄂岳荆南量所

用之數責漕臣將輸餘歸行在錢帛亦然舟車之役不勝其弊民間有自毀其舟自廢其田者時內外諸軍歲費米三百萬斛四川不預焉嘉定兵興揚楚間轉輸不絕濠廬安豐舟楫之通亦便矣而浮光之屯仰饋於齊安舒蘄之民遠者千里近者亦數百里至於京西之儲襄郢猶可徑達獨棗陽陸運夫皆調於湖北鼎澧等處道路遼邈夫運不過八斗而資糧雇犂及所在邀求費常十倍中產之家雇替一夫爲錢四五十千單弱之一夫受役則一家離散至有斃於道路者乃若部送綱運並差見任官闕則選募得替待闕及寄居官有材幹

者其責繁難人以為憚故自紹興以來優立賞格有欠  
矢者亦多方憫之淳熙以後時有蠲放焉

宋史新編卷四十